

26/05/2017

ILAALINTA

In la hubiyo in maxaabiistu sabab kasta oo ka dambeysa qabashadooda iyo xarigooda loola dhaqmo si sharaf iyo insaaniyad leh oo waafaqsan xeerarka caalamiga ah

SOOMAALIYA: GARGAARKA RAMADAAN AYAA LOO QEYBIYET 5,600 MAXAABIIS



©Anisa Dahir/ICRC

ICRC officials distributing food in one of the detention facilities.

Timir, hilib ari, caano boore, buskut, sokor iyo caleen shaah ayaa loo qeybiyey 5,600 maxaabiis oo ku kala jiraan 26 xabsi ku yaala Soomaaliya si loogu caawiyio in ay ku gutaan waajibaadka bisha Ramadaan.

Bisha barakeysan ee Ramadaan waxaa qadariya Muslimiinta adduunka oo dhan kuwaas oo caadi ahaan sooma maalintii. Waa bisha la xusuusto dadka mudnaanta yar ee bulshada, waxaana loo fidhiya falalka naxriista leh. ICRC waxay u tahay astaan lagu muujinaayo in lagu hubiyo in maxaabiista la iloobeyn inta lagu guda jiro mudadan muhiimadda ku leh taariikhda Islaamka.

"Sida dadka kale ee Geeska Afrika, Soomaaliya waxaa si adag u saameysay

abaar dalkana qarka u saartay macluul suurto gal ah. Xaaladahan oo ay jirto, cuntada yar la qeybiyey ayaa leh muhiimadeeda iyadoo wax ka tareyso in ay hagaajiso cuntada caadiga ah ee maxaabiista. Sidoo kale mas'uuliyiinta xabsiyada way mahadiyeen taageeradan dheeraadka ah iyagoo wajahaya dhibaatooyin farabadan ee maamulida xabsiyadan oo ku yaalan dal inta badan ay saameysay colaadaha iyo rabshadaha," waxaa yiri Dalila Romdhane oo kormeerta hawlaha xabsiyada ICRC-da Soomaaliya.

Maxbuus ku jira mid ka mid ah xabsiyada wuxuu yiri, "Sanad walba ICRC-da Soomaaliya waxaan ka helnaa cunto inta lagu jiro Ramadaan, waxayna nagu caawineysa in aan ku soono."

Booqashooyinka lagu bixiyo xabsiyada waa qeybta asaasiga ah ee shaqada Guddiga Caalamiga Laanqayrt Cas adduunka oo dhan. Maxaabiista waa in ay helaan la macaamil dadnimo ah oo sharaf leh mudada ay ku jiraan xabsiga, qoysaskana mar kasta waa in ay la socdaan qaddaraka ku dhacay ehelkooda waana in ay helaan fursad kula xiriiri karaan kuna booqan karaan.

Sanadkan Ramadaan waxaa la soomaya qiyastii laga bilaabo 27-ka Maajo ilaa 25-ka Juun.



Si aad u hesho macluumaad dheeri ah oo ku saabsan ICRC-da Soomaaliya booqo www.blogs.icrc.org/somalia/

Email: sok_somaliblog_services@icrc.org